

Broj: 8732-9/17  
Datum: 18.12.2017. godine

Na osnovu člana 64. stav 1. tačka a), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 8732-7/17 od 15.12.2017. godine, u postupku javne nabavke **Medicinska oprema**, direktor Javne ustanove Opća bolnica „Prim. dr. Abdulah Nakaš“, je donio

### **ODLUKU** **o izboru najpovoljnijeg ponuđača**

#### **Član 1.**

**Prihvata se Preporuka Komisije za nabavku roba - Medicinska oprema po lotovima**, broj: 8732-7/17 od 15.12.2017. godine i Ugovor za javnu nabavku dodjeljuje se ponuđaču **ponuđaču Proma d.o.o. Sarajevo, po lotovima kako slijedi:**

- 1. LOT 1 – Operacioni sto - 1 komad**, dodjeljuje se **ponuđaču Proma d.o.o. Sarajevo**, ponuda br. 17-020-06121 **dostavljena dana 05.12.2017. godine**, za ponuđenu cijenu od **82.750,00 KM bez uračunatog PDV-a**, kao najpovoljnijem ponuđaču.
- 2. LOT 2 – Operacione lampe – 2 komada**, dodjeljuje se **ponuđaču Proma d.o.o. Sarajevo**, ponuda br. 17-020-06122 **dostavljena dana 05.12.2017. godine**, za ponuđenu cijenu od **75.400,00 KM bez uračunatog PDV-a**, kao najpovoljnijem ponuđaču.

#### **Član 2.**

Izabrani ponuđač se oslobađa obaveze dostavljanja originala ili ovjere kopije dokumentacije iz člana 45. i 47. Zakona o javnim nabavkama iz razloga što je iste dostavio uz ponudu.

#### **Član 3.**

Prijedlog Ugovora o nabavci dostaviće se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

#### Član 4.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

#### Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

#### Obrazloženje

Postupak javne nabavke pokrenut je Odlukom o pokretanju postupka javne nabavke broj: **8732-2/17 od 13.11.2017. godine.**

Javna nabavka je sprovedena **putem otvorenog postupka.**

Procijenjena vrijednost javne nabavke bez PDV-a je **161.000,00 KM.**

Obavještenje o nabavci broj: 1125-1-1-402-3-108/17, poslato je na objavljivanje dana **21.11.2017. godine**, a objavljeno je na Portalu javnih nabavki dana **21.11.2017. godine**, sažetak obavještenja o nabavci objavljen je u Sl. Glasniku BiH broj: **84/17 od 24.11.2017. godine.**

Komisija za nabavku, imenovana je Rješenjem broj: **8732-3/17 od 13.11.2017. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **8732-6/17 od 15.12.2017. godine**, Preporuku o izboru najpovoljnijeg ponuđača broj: **8732-7/17 od 15.12.2017. godine** i Izvještaj o radu broj: **8732-8/17 od 15.12.2017. godine**, u postupku javne nabavke roba - **Medicinska oprema po lotovima kao slijedi:**

**LOT 1 - Operacioni sto – 1 komad**

**LOT - Operacione lampe – 2 komada.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 3 ponude,
- da su blagovremeno primljene 3 ponude,
- da nije bilo neblagovremeno primljenih ponuda



- da je ponuda ponuđača: **„Proma“ d.o.o. Sarajevo**, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način,

- da ponude sljedećih ponuđača nisu prihvatljive za ugovorni organ iz niže navedenih razloga:

1. Ponuda ponuđača **„SONO MEDICAL“ d.o.o. Sarajevo za lot 1 i lot 2**, se odbacuje u skladu sa članom 68. stav (4) tačka i) Zakona iz razloga:

1. Na osnovu dostavljene dokumentacije ponuda i kataloga ponuđača „SONO MEDICAL“ d.o.o. Sarajevo za LOT 1 i LOT 2 Komisija za predmetnu nabavku je tražila Mišljenje krajnjeg korisnika na istu. Dana 12.12.2017. godine krajnji korisnik je dostavio mišljenje u kome navodi da ponuđena oprema ponuđača „SONO MEDICAL“ d.o.o. Sarajevo ZA LOT 1 i LOT 2 ne odgovara traženim zahtjevima i karakteristikama koji su traženi u tehničkoj specifikaciji, da ne zadovoljava minimalne uslove tražene u tehničkoj specifikaciji i to u tačkama tehničke specifikacije kako slijedi:

-**za lot 1:** tačka 3.8 - kod zaključavanja točkova i uvlačenja istih u bazu stola; stabilnost stola se ne osigurava sa trodijelnim postoljem već operacioni stol leži na četiri stope manje površine;

- tačka 3.9 – ponuđač nije dostavio dokaze u vidu kataloga ili tehničke dokumentacije da operacioni stol ima mogućnost manuelnog zaključavanja i otključavanja stola;

- tačka 3.20 - ponuđač nije dostavio dokaze u vidu kataloga ili tehničke dokumentacije da se operacioni stol može nadograditi motorom za vožnju operacionog stola.

-**za lot 2:** tačka 3.3 -veličina glavne kupole i satelita su iznad zadatih vrijednosti (ponuđene lampe imaju veličinu 740mm za glavnu kupolu i 620mm satelit);

- tačka 3.16. – potrošnja električne energije glavne kupole je 118 W, što je iznad zadate vrijednosti od max 100 W

- tačka 3.18 - zračenje glavne lampe je 580W/m<sup>2</sup>, što je iznad zadate vrijednosti < 500 W

- tačka 3.19 – ponuđač nudi mogućnost minimalnog ambijentalnog svjetla od 9.600 lux-a (8% od maksimalne vrijednosti pomoćne lampe), što je iznad zadate vrijednosti od 500 lux-a

- tačka 3.21 – kontrolni panel za podešavanje svjetla nije integrisan u kupolu lampe, već se nalazi između kupole i ruke lampe.

2. Ponuda ponuđača **„DERBY TRADE“ d.o.o. Brčko za lot 2**, se odbacuje u skladu sa članom 68. stav (4) tačka i) Zakona iz razloga:

1. Na osnovu dostavljene dokumentacije, ponude i kataloga ponuđača „DERBY TRADE“ d.o.o. Brčko za LOT 2 Komisija za predmetnu nabavku je tražila Mišljenje krajnjeg korisnika na istu. Dana 12.12.2017. godine krajnji korisnik je dostavio

mišljenje u kome navodi da ponuđena oprema ponuđača „DERBY TRADE“ d.o.o. Brčko za LOT 2 ne odgovara traženim zahtjevima i karakteristikama koji su traženi u tehničkoj specifikaciji, da ne zadovoljava minimalne uslove tražene u tehničkoj specifikaciji i to u tačkama tehničke specifikacije kako slijedi:

- tačka 3.10 – ponuđena lampa ne pruža mogućnost podešavanja dijametra vidnog polja pomoću ručke kupole, već samo preko kontrolnog panela
- tačka 3.14 – radni vijek LED dioda ponuđene lampe je 50.000 sati, što je manje od zadate vrijednosti
- tačka 3.18 – zračenje glavne lampe i satelita je 580 W/m<sup>2</sup>, što je iznad zadate vrijednosti od < 500 W
- tačka 3.19 – ponuđač nije dostavio dokaze u vidu kataloga ili tehničke dokumentacije da lampa pruža mogućnost ambijentalnog svjetla od max 500 luxa
- tačka 3.21 – kontrolni panel za podešavanje svjetla nije integrisan u kupolu lampe, već se nalazi između kupole i ruke lampe
- tačka 3.22 – ponuđač nije dostavio dokaze u vidu kataloga ili tehničke dokumentacije da se glavna kupola ili satelit lampa može nadograditi sa integrisanom bežičnom kamerom.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog:

#### **Ekonomski najpovoljnije ponude sa podkriterijima kako slijedi:**

- 1. Cijena – 70 bodova,**
- 2. Rok isporuke od potpisa ugovora – 15 bodova,**
- 3. Uslovi, rok i način plaćanja – 5 bodova**
- 4. Garantni rok od izdavanja zapisnika o isporuci robe bez primjedbi – 10 bodova**



**LOT 1: Operacioni sto – 1 komad**

Red. broj	Naziv ponuđača	Kriterij za dodjelu ugovora – ekonomski najpovoljnija ponuda				Ukupno bodova
		Cijena (KM bez PDV-a) - 70 bodova	Rok isporuke – 15 bodova	Uslovi, način i rok plaćanja – 5 bodova	Garantni rok – 10 bodova	
1.	PROMA d.o.o. Sarajevo	82.750,00 KM –  70 bodova	3 sedmice –  15 bodova	6 jednakih mjesečnih rata – 5 bodova	24 mjeseca –  10 bodova	100 bodova

**LOT 2: Operacione lampe – 2 komada**

Red. broj	Naziv ponuđača	Kriterij za dodjelu ugovora – ekonomski najpovoljnija ponuda				Ukupno bodova
		Cijena (KM bez PDV-a) - 70 bodova	Rok isporuke – 15 bodova	Uslovi, način i rok plaćanja – 5 bodova	Garantni rok – 10 bodova	
1.	PROMA d.o.o. Sarajevo	75.400,00 KM –  70 bodova	3 sedmice –  15 bodova	6 jednakih mjesečnih rata – 5 bodova	24 mjeseca –  10 bodova	100 bodova

Iz navedenih razloga, primjenom člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.**

Žalba se podnosi u najmanje 3 (tri) primjerka.

KONTROLISALA:

Sadeta Hrustemović, dipl.lur. *SH*  
Kordinator za javne nabavke



**DIREKTOR**  
*Zlatko Kravić*  
**Prim. dr. Zlatko Kravić**

**Dostaviti:**

- Ponudaču: **Proma d.o.o. Sarajevo**
- Ponudaču: **Sono Medical d.o.o. Sarajevo**
- Ponudaču: **Derby Trade d.o.o. Brčko**
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.